

95

inferni, vel etiam ipsius *Diaboli*, qui prius utriusque sustinebat imperium *Heb. II. 14.* sicut mox post agnitionem v. 6. cum appellat *Rabboni*: suspicatur, hunc Virum *Jesum* sustulisse, suspicio non est vanitatis, sed veritatis, quia Vir hic mortuum *Jesus* sustulerat, dum *vivus* resurrexerat: precatur ipsum, ut dicat, ubinam posuerit illum, & quod petit, mox impetrat, quia *Jesus* coram ipsa stabat: firmiter animo proponit, & ore sincero pollicetur, quod Eum tollere velit: dictum factum; nam post agnitionem Christum resuscitatum sustulit, non manu, quia *Jesus* v. 17. dicebat: *Noli me tangere &c;* sed mente, quia fidei corde resurrectionem Christi credidit, resurgentem Dominum suscepit, secū sustulit, & ad discipulos trans tulit, vel transferre studuit v. 18. *Venit Maria Magdalena,* annuncians discipulis, quia vidit Dominum. Preces clariores adhuc *Emauntici* discipuli, cum Christus comes, se longius iturum, simularet, in praxi *Mnemosophias paschalis* adhibuerunt, quia precibus suis Eum retinuerunt, vel, ut loquitur *Lucas XXIV. 29.* ad manendum coegerunt dicentes. *Mane nobiscum Domine, quia ad vesperas cit, & inclinata est dies.* Talia desideria, talesque paschales preces citra dubium hæserunt in reliqvorum discipulorum cordibus, qui, Christum pariter vide re, votis ardentissimis expetebant, & votis respondit eventus, quia saepius Christus ipsis apparuit, prout *Evangelistarum* historiae contestantur. Unde *Paulus* etiam h. l. non obscura pre cum paschalium facit indicia. Nam requirit, (1) ut *Timo theus confortetur in gratia, quæ est in Christo:* jam autem precibus ejusmodi confortationem in gratia divinitus consequimur, & in Christo mediantibus precibus possessores ejus efficimur. Omne robur nostrum in fiducialibus precibus consistit. (2) ut studiosus *Mnemosophias Paschalis* sit bonus miles *Iesu Christi*: sed arma nostra spiritualia consistunt in precum tuba, sicut exemplum *Gedeonis*, ejusque militia demonstrat *Judic. VII. 16.* (3) ut studiosus *Mnemosophias paschalis* illuminatum intellectum habeat v. 7. jam autem intellectum illuminatum per ardentes preces divinitus obtainemus, quando cum *Davide* precamur

D

Psal.